

青鳥先生葬經

青鳥先生撰
兀欽从注

中華書局

青島先生集經

此據夷門廣牘本
影印初編各叢書
僅有此本

葬經

大金丞相兀欽亥註

皇明山人周履靖校

金陵荆山書林梓行

先生漢時人精地理陰陽之術而史失其名晉
郭氏葬書引經曰爲誣者卽此是也先生之言
簡而嚴約而當誠後世陰陽之祖書也郭氏引
經不全在此書其文字面不全豈經年代久遠
脫落遺佚與亦未可得而知也

盤古渾淪氣萌大朴分陰分陽爲清爲濁生老
病死誰實主之

氣結崑崙形像質朴既分南北

則南龍陽而清北龍陰而濁有始必有終有行
必有止始而復終止而又行實崑崙主之也

無其始也無其議焉不能無也吉凶形焉曷如
其無何惡於有藏於杳冥實關休咎以言論之
似若非是其於末也若無外此其若可忽何假
於予辭之癩矣理無越斯

若言氣不於所主之

山而來則此穴或成或否亦不可得而議也氣

心有所來而不能無此穴吉凶之所形亦彼之貫也方言其有曷如茫不可見實關得穴與不得穴之休咎若可以明言論人則又恐泄前定之機而似若非是於其終也考驗愚俗不可與言一無外此若可以言忽其世人則天之以此知惠我者必將以覺後人既不覺後人何假於予哉欲再言其所以重言此術之不可輕泄也

山川融結峙流不絕巖畔若無爲烏乎其別山
時有天心至于山川流自交合至于水口皆融

成穴雙眸附近之眉毛眼睫爲上面之印証所以別其眞穴也

福厚之地雍容不迫四合週顧辨其主容

明堂

寬大氣勢不局促四山皆合如賓主揖遜尊卑以定序也

山欲其凝水欲其澄山來水迴逼貴豐財山止

水流虜王囚侯

舊注山本乎靜欲其動水本乎

動欲其靜逼貴者貴來速也豐財者財積之厚也此山來水面之效也勢位之隆無如王者而

爲之所虜爵位之高無如公侯而爲之所囚此
山止水流之應也

山頰水曲子孫千億山走水直從人寄食水過
東西財寶無窮三橫四直官職彌崇九曲委蛇
準擬沙堤重重交鎖極品官資

舊注從人寄食

言爲人之傭奴也沙堤者言宰相出必築沙爲
堤莫無崎嶇以礙車輪也後人因之以沙堤爲
宰相故事耳

氣乘風散脈遇水止藏隱蛇蜒富貴之地

知其

所散欲官不出就其所止裁穴有定回山藏隱
如蛇蜒然乃富貴之地璞引經云界水則止其
一也

不蓄之穴是謂腐骨不及之穴主人絕滅騰漏
之穴翻棺敗槨皆囚之穴寒泉滴瀝其爲可畏
可不慎乎

舊注不蓄者言山之無包藏也不及者言山之無朝對也騰漏者言其空缺背囚言其幽陰此等之穴俱不可葬也

百年幻化離形歸真精神入門骨骸及根吉氣

感應鬼神及人 人死形脫離而化乎土真氣歸
本精神聚於墳墓中受生氣蔭枯骨則吉人祥
之氣與穴氣相感應積禎祥以及子孫也郭氏
引經曰鬼神及人宗其類耳

東山起焰西山起雲穴吉而溫富貴綿延其或
反是子孫孤貧

陰陽配合水火交搆二氣鬱蒸

而成穴故吉而溫子孫富貴長久也不能如是
不可謂穴

童斷與石過獨偏側能生新凶能消已福

舊注

不生草木曰童崩陷坑塹曰斷童山無衣斷山
無氣石則土不滋過則勢不住獨山則無雌雄
逼山則無明堂側山則斜敵而不正犯此七者
能生新凶能消已受之福郭氏引經証而特言
五者亦是節文之義也逼側在不葬之中

貴氣相資本源不脫前後區衛有主有客

舊注

本源不脫者以氣相連相接也有主有客以區
穴之前後有衛護也

水流不行外狹內闊大地平洋杳茫莫測沼沚

池湖真龍懋息情當內求慎勿外覓形勢彎趨
生享用福舊注凡平洋大地無左右龍虎者但
遇池湖便可遷穴情當內求者以池湖爲明堂
則水行不流而生享福也

勢止形昂前澗後岡位至侯王形止勢縮前案

回曲金穀碧玉

勢止形昂是龍來結穴三五融

結將來所以爲大也前澗後水則止也又曰形
昂言氣之盛也形止勢縮是龍不來正結特因
形止而就便包裹結倒所以爲次焉又曰言氣

象之局促也前案回曲賓主淺深不過金穀之富而已

山隨水著迢迢來路挹而注之穴須回顧

水因

水激而成穴是來路之長回頭顧朝水而作穴也

天光下臨百川同歸真龍所泊孰辨玄微

天心

平正真龍真人萬水同歸一源交合此其所以有玄微

蟆蝦老蚌市井人湮隱隱隆隆孰探其源

堆堆

塊塊如蝦蟆老蚌而市井平原之氣脈似有而無顯而隱隱而顯此其爲本源也

若乃斷而復續去而復留奇形異相千金難求折藕貫絲具機莫落臨穴坦然形難捫度障空補缺天造地設留與至人前賢難說

舊注謂富

地利害輕重人得而識之貴地所係大造化不令人識惟衆人所不喜則爲大貴之地使人俱識之則家家稷契人人夔臯無是理也奇形異狀所以千金難求留與至人先賢所難說也斷

續去留折藕貫絲是本源探奇形異相真機難
摸且看玄微要下障空補缺是真穴到處或有
空缺又外生一峰以障蔽之乃天地安排至人
先賢所以難說也

草木鬱茂吉氣相隨內外表裏或然或爲生氣
充備亦一驗也或本來空缺通風今有草木鬱
茂遮不足不覺空缺故生氣自然草木充塞又
自人爲

三岡全氣八方會勢前遮後擁諸祥畢至

舊注

氣全則龍勢不脫勢會則山水有情前遮則有
客情後擁則有主情所以諸福畢至也

地貴平夷土貴有支穴取安止水取迢遞
安止則穴無險熾迢遞則水有源流
舊注

向定陰陽切莫乖戾差之毫釐謬以千里
舊注

陰陽多以左右取穴左則爲陽穴右則爲陰穴
擇術之善建都立縣一或非宜立主貧賤
舊注
葬得其地利則吉失其地利則貧賤隨之

公侯之地龍馬騰起面對玉圭小而首銳更過

本方不學而至

本方或正面或左右而勻停或

本皆有用之方又曰如馬山要在南方

宰相之地繡徽伊邇大水洋朝無極之貴空闊

平夷生氣秀麗

繡徽言前山員峰端正又有大

江洋

外臺之地捍門高峙屯軍排迎周違數里筆大

橫椽足判生死

舊注捍門旗山取其聳拔屯軍

踏節排衙迎送貴其周遮右畔有橫山列在低

處則爲判生死筆須是穴正昂然獨尊不然則

爲暗刀山也故曰難嶽

官貴之地文章插耳魚袋雙連庚金之位南火

東木北水鄙枝

兩員峰相連一大一小謂之魚

袋庚金取其員活出貴也若尖尾象火主醫巫
長瘦象木輕薄象水出淫蕩雜枝也

地有佳氣隨土所生山有吉氣因方而止

氣之

聚者以土沃而佳山之美者以氣止而吉自王
公而官貴雖以前山取象必有氣之佳吉如此
方可指山而言也